

## Inunnik qaammarsaasunut ileqqoreqqusat

### **I. Tunngaviit nalinginnaasut**

Inuit ataasiakkaat, peqatigiilluunniit, suliassamut tamatumunnga piginnaanillit isumalioqatigiissitanut suliakkiissutitut najoqqutassiamik tunngaveqartumik inunnik qaammarsaanisamut paasisitsiniaanissamullu Inatsisit tunngaviusussat pillugit Isumalioqatigiissitanit piginnaatitaasut maleruagassaat ileqqoreqqusaat matumani pineqarput.

Pineqartut suliassamik tamatuminnga pingaaruteqartumik naammassinninniarnerminni tunngaviusussanik inatsisiliortut inunnik qaammarsaanermi najoqqutassiaannik malinneqqissaarlutik sulinissaat naatsorsuutigineqarpoq.

Matuma kinguliatigut ileqqoreqqusat naapertorlugit suliannik tamanik ingerlatsissasut naatsorsuutigineqarput.

### **II. Aalajangersakkat**

1. Inunnik qaammarsaasut tamarmik atortussianik isumalioqatigiissitanit akuerineqartunik malinneqqissaarlutik qaammarsaassapput.
2. Tunngaviusunik inatsisiliortut piumasaraat inunnik qaammarsaasut tamarmik qaammarsaanertik ingerlatissagaat kikkunnulluunniit illiunnatik, aammalu arlaannaannilluunniit illersuinatik, imaluunniit inunnit eqimattanilluunniit kikkunnulluunniit sunnigaagatik.
3. Qaammarsaasut tamarmik sulianut tunngaviusunik inatsisiliortut suliaannik isigineqarnerannilluunniit tatiginnigunnaarutaasussanut peqataassanngillat.
4. Qaammarsaasut tamarmik tunissutinik assigisaannilluunniit sunnerneqaatigisassaminik tiguisassanngillat.
5. Inunnik qaammarsaasut tamarmik qularnaassavaat innuttaasut tamarmik kiffaanngisuseqarlutik pissarsiaqarfiusumillu peqataanissaminnut periarfissaqassasut, tassa killilersorneqaratik imaluunniit eqqunngitsumik sunnerneqaratik.
6. Inunnik qaammarsaasut tamarmik qularnaassavaat suliniutitik inunnik immikkoortitsiviussanngitsut aammalu peqataasut tamarmik – inuit innarluutillit, arnat, inuusuttut, aalisartut piniartullu, allalluunniit immikkut suliffigineqartariaqartut - immikkut iliuseqartoqanngippat peqataanngitsoortussaagalugit pisariaqartitaannut naapertuutissasut.
7. Inunnik qaammarsaasut tamarmik qularnaassavaat qaammarsaalluni suliak killiligaanngitsumik kikkunnulluunniit peqataaffigineqarsinnaassasut, tamatumani immikkut isiginierneqassapput peqataasut tamarmik oqaatsit pisariaqartinneqartut atorlugit pappiaqqanik allanilluunniit atortussianik attuumassutilinnik sunilluunniit pissarsisinaanissaat, ininik naleqqut-

tunik periarfissaqartitsisoqarnissaa, aammalu nutserissussinerit oqalutsineqarnerillu pisariaqarfiisigut isumagineqartassut.

8. Inunnik qaammarsaasut tamarmik naatsorsuutigineqarput sumi qaammarsaavimminni nunaqartunik suleqateqartassasut.

9. Inunnik qaammarsaasut tamarmik soqutigisatigut aporaannernik piviusunik assigisaanilluunniit pinngitsuissapput, aammalu taamaattoqassagaluarpat tunngaviusunik inatsisiliortunut nalunaaruteqartussaallutik.

10. Inunnik qaammarsaasut tunngaviusunik inatsisiliortunit akuerineqarsimatinnatik paasissutissanik isertugaasunik sulinerminni ilisimalikkaminnik sunilluunniit qulaarissanngillat, aammalu paasissutissanik taama ittunik inuttut imminnut iluaqutissiussanatik allanilluunniit iluaqutissiussanatik.

11. Inunnik qaammarsaasut tamarmik pisussaaffimminnik isumaginnissapput tunngaviusunik inatsisiliortut qaqugukkulluunniit allatigut malittarisassiaat, ileqqoreqqusaat piumasqaataalluunniit naapertorlugit.

### **III. Maleruaaneq**


13. Ileqqoreqqusani ukunani aalajangersakkanik sunilluunniit nalornissuteqartoqartillugu inunnik qaammarsaasut isumalioqatigiissitat siulittaasoqarfiannut attaveqartassapput.

### **IV. Atuutilersitsineq**

Ileqqoreqqusat isumalioqatigiissitat 29. august 2019 ileqqusumik ataatsimiinneranni akuerineqarlutillu atuutilerput.

Nuummi, ulloq 29. august 2019

#### **Atsiornerit:**



Doris J. Jensen, siulittaasoq




Kuupik V. Kleist, siulittaasup tullia




Nivi Olsen, ilaasortaq

---


Per Rosing-Petersen, ilaasortaq



Paninguak M. Kruse, ilaasortaq



Aleqa Hammond, ilaasortaq



Anita Hoffer, ilaasortaq



Daniel Thorleifsen, immikkut ilaasortaataitaaq



Rosanguaq Rossen, immikkut ilaasortaataitaaq

/



Johan Lund Olsen,

Allattoqarfimmi pisortaq